

JAVNI POZIV za obuku službenika/ca za mlade u Federaciji Bosne i Hercegovine

Institut za razvoj mladih KULT, u partnerstvu s **Federalnim ministarstvom kulture i sporta**, poziva općinske, gradske i kantonalne službenike/ce za mlade iz Federacije Bosne i Hercegovine da se prijave za učešće u certificiranoj obuci za službenike/ce za mlade u skladu sa Pravilnikom i procedurama obuke i certificiranju službenika/ca za mlade¹.

Po Javnom pozivu bit će odabrano najviše 26 učesnika/ca za obuku službenika/ca za mlade, u skladu s dolje navedenim kriterijima.

O obuci

Obuka službenika/ca za svrhu ima da se polaznici/e osposobe za samostalno obavljanje poslova službenika/ca stjecanjem certifikata o znanju o politici prema mladima i radu s mladima, i da osobe koje u državnoj službi obnašaju ili će obnašati funkciju i poslove službenika/ca bude stručno osposobljene za rad s mladima uz posjedovanje stručnih kompetencija i certifikata neophodnih za obavljanje te pozicije u organu državne službe.

- Program osnovne obuke sastoji se od 120 radnih sati raspoređenih u 5 obaveznih modula obuke. Pored toga, obuka sadržava zadaću, studijske posjete i pismeni ispit. Svi moduli traju 4 radna dana.
- Obuka ima interaktivan metodološki pristup kroz koji polaznici/ce imaju priliku dijeliti iskustva i dati sugestije za razvoj obuke. Svaki modul uključuje teorijski dio, primjenu znanja u okviru programa obuke i praktični rad i male građanske inicijative.
- Termini održavanja modula će biti objavljeni na internetskoj stranici Instituta <http://mladi.org/url/jposm>, i to najkasnije 4. aprila 2016. g.
- Polaznik/ca koji učestvuje u najmanje 80% programa obuke može polagati pismeni ispit i steći certifikat.
- Program obuke pokriva troškove radnog dijela obuke, smještaja na bazi polupansiona (doručak i ručak), materijal za rad i certificiranje svakog polaznika/ce. Program obuke ne pokriva putne troškove polaznika/ca, večere niti druge troškove.

Prednosti učešća

Programom obuke polaznik/ca se osposobljava za:

- saradnju i pružanje stručne pomoći mladima pri izradi projekata, osnivanje omladinskih udruženja i promoviranje omladinskog rada,
- zastupanje interesa mladih i savjetovanje mladih,
- identifikaciju problema i potreba mladih,
- koordinaciju procesa uspostavljanja i provođenja politike prema mladima na odgovarajućem nivou vlasti,
- koordinaciju između omladinskih udruženja, organa uprave i nevladinog sektora,
- afirmaciju i saradnju pri provođenju politike prema mladima sa svim bitnim subjektima - javnim ustanovama iz oblasti kulture i sporta, fakultetima, srednjim školama i drugim odjelima za mlade,

¹ Na osnovu člana 19. Zakona o organizaciji uprave u FBiH („Službene novine FBiH”, br.35/05) i člana 12. Zakona o mladima FBiH („Službene novine FBiH”, br. 36/10), a u skladu sa Sporazumom o saradnji između Federalnog ministarstva kulture i sporta i Instituta za razvoj mladih KULT broj 05-40-12-4250/12 od 10.7.2012. g. donesen je Pravilnik o procedurama obuke i certificiranju službenika/ca za mlade.

- vođenje općinskog spiska omladinskih udruženja i neformalnih grupa mladih,
- pripremanje prijedloga za finansiranje i sufinansiranje projekata između omladinskih udruženja i organa uprave,
- pripremanje izvještaja, analiza i informacija o realizaciji projekata,
- druge poslove u skladu s Zakonom i podzakonskim aktima,
- tokom obuke općina, grad ili kanton će dobiti podršku i savjetovanje za odgovarajuću provedbu Zakona o mladima,
- službenika/ca za mlade će biti upoznata sa korištenjem baze službenika za mlade,
- kroz obuku polaznici/ce će raditi na uspostavljanju održivog partnerstva lokalnih organizacija građanskog društva i lokalnih vlasti u cilju poboljšanja položaja mladih,
- službenicima/ama za mlade bit će pružena savjetodavna i tehnička pomoć organiziranja i uspostavljanja uspješne dvosmjerne komunikacije sa mladima u općini, gradu i kantonu.

Kriteriji za prijavu

Na Javni poziv se mogu prijaviti osobe koje ispunjavaju sljedeće kriterije:

1. Državni službenici/ce koji rade s mladima na općinskom, gradskom ili kantonalnom nivou.
2. Druge osobe starije od 18 godina s najmanje srednjom stručnom spremom.
3. Službenik/ica za mlade koji/a nije prošao obuku za službenike/ice za mlade, koju su provodili GIZ (nekadašnji GTZ) ili Konzorcij italijanskih organizacija.

Potrebna dokumentacija

Aplikanti su dužni dostaviti sljedeću dokumentaciju:

1. Popunjen prijavni obrazac (nalazi se na web-stranici <http://mladi.org/url/jposm>);
2. Ovjerenu kopiju diplome o završenom stepenu obrazovanja;
3. Izvod iz matične knjige rođenih (original ili ovjerena kopija)
4. Obavještenje o mjestu prebivališta (original ili ovjerena kopija ne starija od tri mjeseca)
5. Pisano odobrenje za pohađanje obuke od rukovodioca/teljke organa uprave (opcija 1: Ovjeren prijavni obrazac od nadležne osobe; opcija 2: poseban dokument s odobrenjem);

Trajanje obuke

Od juna 2016. do decembra 2016. g. (5 četverodnevnih modula, zadaće i ispit)

Prijava

Sva potrebna dokumentacija treba pristići najkasnije do **16. marta 2016. g. poštom ili lično** na adresu: Institut za razvoj mladih KULT

Javni poziv 14.03.0-N2.1-47

4. viteške brigade 34-36

71210 Ilidža

Pored toga, potrebno je popunjen prijavni obrazac (bez popratne dokumentacije) poslati **emailom** na katarina.vuckovic@kultbih.org (predmet/subject emaila: *Javni poziv, 14.03.0-N2.1-47*).

Aplikacije koje ne pristignu do naznačenog roka neće se razmatrati. Savjetuje se da se aplikacije šalju preporučenom ili kurirskom poštom.

Institut za razvoj mladih KULT će sve prijavljene kandidate u pisanom obliku obavijestiti o ishodu, najkasnije do 10. aprila 2016. g.

Sa svim odabranim polaznicima bit će potpisan ugovor o učešću u obuci.

Dodatne informacije

U slučaju potrebe za dodatnim informacijama ili pojašnjenima, aplikanti se mogu obratiti telefonom na broj 033 778762 ili na katarina.vuckovic@kultbih.org (predmet/subject email: *Javni poziv, 14.03.0-N2.1-47*).

Sve dodatne informacije o obuci i javnom pozivu mogu se naći na web-stranici <http://mladi.org/url/jposm>.

Program obuke u 2016. g. sufinansiraju:
Federalno ministarstvo kulture i sporta
Olof Palme International Center
Institut za razvoj mladih KULT